



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKA IZBORNA KOMISIJA**

Broj: 01-226/25

Datum: 25.12.2025. godine

**PLAN IZLAGANJA
IZVOD IZ PRIVREMENOG BIRAČKOG SPISKA ZA OPĆINU TEŠANJ**

U skladu sa članom 15 a. Pravilnika o upotrebi i izradi izvoda iz Centralnog biračkog spiska („Službeni glasnik BiH”, broj: 31/24 i 35/25) propisano je da se u neizbornoj godini Izvodi iz Centralnog biračkog spiska izlažu na uvid javnosti dva puta godišnje.

S tim u vezi, Općinska izborna komisija Tešanj obavještava birače sa područja općine Tešanj da mogu izvršiti uvid u privremeni birački spisak u cilju provjere i ažuriranja podataka, te ako raspolažu informacijama o eventualnom postojanju podataka o umrlim osobama u evidenciji Privremenog biračkog spiska da se obrate Centru za birački spisak i prijave navedenu informaciju.

Provjeru podataka (uvid) u Privremeni birački spisak, birači mogu izvršiti u;

- Centru za birački spisak u zgradi Općine Tešanj, u kancelariji broj 33, svakim radnim danom od 10.00 do 16.00 sati do 31.12.2025. godine ili putem web stranice Centralne izborne komisije BiH, putem web servisa „Da li ste registrovani”.
- Prostorijama mjesnih zajednica ; U svim mjesnim zajednicama na području općine je isporučen privremeni birački spisak i kao takav se može uzeti na uvid

DOSTAVLJENO:

1. MZ na području općine Tešanj
2. Stranica Općine Tešanj
3. Arhiva



PREDSJEDNIK OIK
Bećir Halilović dip.ing.maš



VODIČ ZA PRIJAVU PODATAKA O UMRLIM OSOBAMA U PODACIMA PRIVREMENOG/ CENTRALNOG BIRAČKOG SPISKA

1. PRIJAVA PODATAKA O UMRLIM OSOBAMA

Centralna izborna komisija BiH podsjeća javnost da je u toku aktivnost izlaganja izvoda iz Privremenog biračkog spiska i trajat će do kraja juna tekuće godine,

Izvodi iz Privremenog biračkog spiska izloženi su u centrima za birački spisak, mjesnim zajednicama i drugim pogodnim mjestima utvrđenim planom izlaganja Privremenog biračkog spiska (oglasna ploča općine/grada ...), kako bi državljani BiH s biračkim pravom imali pristup istim i mogli provjeriti i izvršiti ispravku ili dopunu svojih podataka kod nadležnih tijela.

Pozivamo sve osobe da izvrše uvid u izvod iz Privremenog biračkog spiska u svojoj općini/gradu, te ako raspoložu informacijom o eventualnom postojanju podataka o umrlim osobama u evidenciji Privremenog biračkog spiska, da centru za birački spisak u svojoj općini/gradu prijave navedenu informaciju.

Neophodno je da prilikom prijave navedene činjenice o postojanju umrle osobe u evidenciji Privremenog biračkog spiska, centru za birački spisak dostavite i raspoloživi dokument o navedenoj činjenici.

Napominjemo da, ukoliko raspoložete podatkom o mjestu smrti osobe, isti dostavite ili pokušate pribaviti, jer je navedeni podatak od ključne važnosti za provođenje postupka provjere da li je osoba upisana u matičnu knjigu umrlih.

2. IDENTIFIKACIJA PODATAKA O UMRLIM OSOBAMA U EVIDENCIJI PRIVREMENOG/CENTRALNOG BIRAČKOG SPISKA

Po zaprimanju informacije o eventualnom postojanju umrle osobe u evidenciji Privremenog biračkog spiska, centar za birački spisak će kod nadležnog matičnog ureda izvršiti relevantne provjere podataka, a o načinu dostave povratne informacije će vas informirati službenik centra za birački spisak.

Postupak provjere podataka za umrlu osobu podrazumijeva provjeru podataka upisanih u svim službenim evidencijama nadležnih organa, a nepodudaranje navedenih podataka je čest razlog iz kojeg umrla osoba nije uklonjena iz evidencije Centralnog biračkog spiska.

Također, jedan od razloga je i ukoliko činjenica smrti za navedenu osobu nije upisana u matičnu knjigu umrlih. U navedenom slučaju potrebno je podnijeti zahtjev nadležnom općinskom organu za upis u matičnu knjigu umrlih. O načinu upisa činjenice smrti možete se informirati u nadležnom matičnom uredu u vašoj općini/gradu.